



220200 Боғот шаҳарчаси Ўзбекистон кўчаси, 18 уй. Tel:31-51-807, faks:31-52-425

2020 йил «14» Март

№ 564а

Боғот шаҳарчаси

Хоразм вилояти ҳокимининг 2020 йил 8 февралдаги “Ўзбекистон Республикаси Президентининг 2020 йил 5 февралдаги “Қурилиш-монтаж ишлари сифатини тубдан яхшилаш ва қурилишни назорат қилиш тизимини такомиллаштириш чоралари тўғрисида”ги ПҚ-4586-сонли қарорининг ижроси ҳақида”ги 55қ-сонли қарорининг ижроси тўғрисида

Ўзбекистон Республикаси Президентининг 2020 йил 5 февралдаги ПҚ-4586-сонли ва бу юзадан вилоят ҳокимининг 2020 йил 8 февралдаги 55қ-сонли қарорларининг ижросини таъминлаш юзасидан қурилиш-монтаж ишлари сифатини янада ошириш, қурилиш соҳасидаги назорат қилувчи инспекциялар ролини кучайтириш мақсадида

Қарор қиламан:

1. Ўзбекистон Республикаси Президентининг 2020 йил 5 февралдаги “Қурилиш-монтаж ишлари сифатини тубдан яхшилаш ва қурилишни назорат қилиш тизимини такомиллаштириш чоралари тўғрисида”ги ПҚ-4586-сонли бу юзадан вилоят ҳокимининг 2020 йил 8 февралдаги 55қ-сонли қарорлари раҳбарлик ва ижро учун қабул қилинсин.

2. Ўзбекистон Республикаси Президентининг мазкур қарори билан:

- Қуйидагилар:

- Ўзбекистон Республикаси Қурилиш вазирлиги ҳузуридаги Қурилиш соҳасида назорат инспекциясининг бошқарув ходимлари чекланган сони 40 нафардан иборат тузилмаси 1-иловата мувофиқ;

Қурилиш соҳасида ҳудудий назорат инспекцияларининг намунавий тузилмаси 2-иловага мувофиқ тасдиқланганлиги;

Инспекция бошлиғига қуйидаги ҳуқуқлар берилганлиги:

бошқарув ходимларининг белгиланган чекланган сони ва меҳнатга ҳақ тўлаш фонди доирасида, заруратга кўра, Инспекция штат бирликларига ўзгартиришлар киритиши;

объектлар сонидан келиб чиққан ҳолда ҳудудий инспекциялар тузилмаси ва штат бирликлари нормативларини тасдиқлаши;

ҳудудий инспекцияларнинг харажатлар сметасини тасдиқлаши;

2020 йил 1 мартдан бошлаб бюджет тизимидаги бюджет маблағлари ҳисобига молиялаштириладиган объектлардан ташқари капитал таъмирлаш объектларида давлат қурилиш назоратини амалга ошириш бўйича талаблар;

Инспекция ва ҳудудий инспекциялар томонидан қурилиши тугалланган объектлардан фойдаланишга рухсат бериш тартибини жорий қилган ҳолда, уларни фойдаланишга қабул қилиш бўйича мавжуд тартиб-таомиллар қуйидаги муддатларда босқичма-босқич бекор қилиниши:

Молиялаштириш манбаларидан қатъий назар ҳавф-хатар тоифаси паст объектлар учун - 2020 йил 1 майдан;

Давлат харидлари субъектларининг маблағлари ҳисобига молиялаштириладиган объектлар учун - 2022 йил 1 январдан;

Бошқа манбалар ҳисобига молиялаштириладиган объектлар учун - 2021 йил 1 январдан белгиланганлиги;

Объектларни фойдаланишга қабул қилиш учун рухсатномалар бериш тартиби тадбиқ қилингунига қадар Инспекция ва ҳудудий инспекциялар қурилиши тугалланган объектларни (давлат харидлари субъектларининг маблағлари ҳисобига молиялаштириладиган объектлардан ташқари) фойдаланишга қабул қилиш жараёнига давлат санитария назорати ва давлат ёнғин назорати ҳудудий органларини жалб қилиши ҳамда улар объектларни қабул қилиш муддати доирасида Инспекция ва ҳудудий инспекцияларга объектнинг санитария нормалари ва ёнғин ҳавфсизлиги талабларига мувофиқлиги тўғрисида ҳулоса тақдим қилиши белгиланганлиги;

Вилоят ҳокимининг ушбу қарори билан:

Қурилиш соҳасидаги назорат ҳудудий бошқармасига (Б.Қурбанов) давлат қурилиш назоратини амалга ошириш доирасида:

бино ва иншоотларнинг зилзилага бардошлилигига таъсир қилувчи, шунингдек, инсон саломатлиги ва ҳаётига таҳдид солувчи конструктив ҳуқуқбузарликлар аниқланган ҳолатларда қурилиш-монтаж ишларини тўхтатиб туриш ва демонтаж ишларини амалга оширишни талаб қилиш;


юримдик ва жисмоний шахсларга объектдаги ҳуқуқбузарликларни бартараф қилиш учун мос равишда, бироқ 60 кундан ортиқ бўлмаган муддатни белгилаган ҳолда, аниқланган ҳуқуқбузарликларни бартараф этиш бўйича ижро этилиши мажбурий бўлган кўрсатмалар бериш;

лойиҳалаштириш ва қурилиш соҳасида фаолиятни амалга ошириш учун лицензиялар ва рухсат берувчи ҳужжатларни тўхтатиб туриш, тугатиш ва бекор қилиш масалаларини ҳал қилиш юзасидан тегишли органлар ва ташкилотларга тақдимномалар юбориш;

объектларда бино ва иншоотларнинг зилзилага бардошлилигига таъсир қилувчи, шунингдек, инсон саломатлиги ва ҳаётига таҳдид солувчи сифатсиз қурилиш материаллари ва буюмлар қўлланилгани аниқланган ҳолларда, қурилиш материаллари ва буюмлар ишлаб чиқариш, сотиш ва қўллашни тўхтатиб туриш ҳақида тегишли орган ва ташкилотларга тақдимномалар юбориш ҳуқуқи берилганлиги маълумот учун қабул қилинсин.

3. Мазкур қарорнинг ижросини назорат қилиш туман ҳокимининг ўринбосари вазифасини бажарувчи С.Хўжаниёзов зиммасига юклансин.

Боғот туман ҳокими



О.Холбоев